



12 MAY, 2024

TVET tawar alternatif untuk pelajar capai aspirasi: Sagah

Utusan Borneo Sarawak, Malaysia

TVET tawar alternatif untuk pelajar capai aspirasi: Sagah

KUCHING: Pendidikan dan Latihan Teknikal dan Vokasional (TVET) menawarkan jalan alternatif untuk pelajar mencapai aspirasi dalam bidang kerjaya masing-masing, kata Menteri Pendidikan, Inovasi dan Pembangunan Bakat Dato Sri Roland Sagah Wee Inn.

Beliau berkata, terdapat banyak kisah pelajar yang menamatkan pendidikan TVET dan berjaya menjadi 'pencipta pekerjaan' serta mendapat pengiktirafan antarabangsa atas usaha mereka dalam industri.

"Salah satu contoh ialah alumni Universiti Malaysia Sarawak (UNIMAS) Franklin Lingga Abun yang menamatkan program kejuruteraan mekanikal dan pembuatan," ujarnya ketika merasmikan Karnival TVET Sarawak 2024 di Pusat Persidangan Serian di Serian,



RASMI: Sagah melakukan simbolik perasmian Karnival TVET di Serian, semalam. Turut kelihatan (dari kiri) Udin, Martin, Harden dan John.

semalam.
Turut hadir, Timbalan Menterinya Datuk Francis Harden Hollis, Timbalan Menteri Industri Makanan, Komoditi dan Pembangunan Wilayah Datuk Martin Ben, Ahli Dewan

Undangan Negeri (ADUN) Bukit Semuja John Illus dan Ketua Pegawai Eksekutif Tabung Ekonomi Gagasan Anak Sarawak (TEGAS) Udin Bujang.

Lihat Muka 2



12 MAY, 2024

TVET tawar alternatif untuk pelajar capai aspirasi: Sagah

Utusan Borneo Sarawak, Malaysia

TVET tawar alternatif untuk pelajar capai aspirasi: Sagah

Dari Muka 1

Sagah menjelaskan, anak Sarawak itu telah menubuhkan syarikatnya sendiri dan membangunkan aplikasi yang menggunakan sistem algoritma kecerdasan buatan (AI).

Atas kepakaran itu katanya, Franklin akhirnya dipilih untuk menyertai penyelidikan dengan sebuah syarikat besar yang berpangkalan di Eropah.

“Untuk makluman, kementerian saya juga telah menaja Franklin ke Finland untuk mempersembahkan inovasinya berdasarkan model matematik kepada pemain industri dan institusi pengajian tinggi pada 2022,” katanya.

Susulan itu, Sagah berkata kerajaan Sarawak, melalui kementeriannya, sedang

memperluaskan akses kepada pendidikan yang layak untuk rakyat Sarawak merangkumi bidang TVET.

Kementerian juga katanya, mempromosikan pendidikan TVET kepada masyarakat setempat dan memupuk perkongsian industri untuk menawarkan latihan kemahiran yang memenuhi permintaan pasaran.

“Kerajaan Sarawak juga berhasrat untuk membangunkan ekosistem inovatif yang kondusif di Sarawak untuk menarik bakat muda dan memacu pertumbuhan ekonomi,” katanya.

Justeru, beliau menegaskan penguasaan TVET adalah penting untuk generasi muda menghadapi dunia yang semakin dibentuk oleh AI dan Revolusi Industri 4.0 (IR 4.0).



12 MAY, 2024

TVET tawar alternatif untuk pelajar capai aspirasi: Sagah

Utusan Borneo Sarawak, Malaysia

SUMMARIES

KUCHING: Pendidikan dan Latihan Teknikal dan Vokasional (TVET) menawarkanjalan alternatif untuk pelajar mencapai aspirasi dalam bidang kerjaya masing-masing, kata Menteri Pendidikan, Inovasi dan Pembangunan Bakat Dato Sri Roland Sagah Wee Inn. Beliau berkata, terdapat banyak kisah pelajar yang menamatkan pendidikan TVET dan berjaya menjadi 'pencipta pekerjaan'serta mendapat pengiktirafan antarabangsa atas usaha mereka dalam industri.